

欽定剿平三省邪匪方略

續編

一四五



欽定剿平三省邪匪方畧續編卷一

壬戌年

十二月十七日

甲寅

上命軍機大臣傳諭額勒登保德楞泰勒保吳熊光
惠齡曰昨據額勒登保等六百里加緊馳奏三省
大功告蕨捷音當卽明降諭旨分別論功行賞並
將伊等奏報喜摺及朕所降恩旨用五百里頒發
通諭中外矣惟是三省中現在尚有未淨殘匪潛

匿逃竄必須上緊排搜以期剷絕根株俾無遺孽
試思辦理工程尙有保固之例何況軍務戡功事
經七載豈可不籌盡善盡美設此時尙有十百爲
羣者伊等不可以業經奏報成功意存粉飾不肯
據實奏聞致辦理稍有草率亦不可因受恩已重
此後更無可增加遂爾鬆勁寧不思予奪之權惟
朕操之朕恩豈易承受耶前曾降旨將搜捕零匪

之事責成伊等於來年二月內一律掃除此時亦不必定限二月祇須實力搜緝能使餘匪悉數殄除地方永臻寧謐卽稍寬限期亦無不可額勒登保等總須俟三省實在肅清可以無須伊等在破督辦然後奏請瞻覲候朕降旨令伊二人先後進京倘伊等起身在途復有未淨之賊不但責令伊等仍回軍營督辦並當重治伊等搜捕不力之咎

勉之慎之至各路官兵亦不必遽行裁撤凡有應
須防範之處仍行酌量安設其已經裁撤鄉勇如
已妥爲安置自可各安生業倘區處未能盡善少
有滋事之處卽當一體嚴辦毋稍姑息此後遇殲
擒零匪祇須用五百里奏報不必再行急遞致駭
聽聞譬如大病雖愈培養更須用心其善體朕意
毋怠

臣等竊惟圖治者不忽於已成去惡者必嚴

於未盡三省邪匪不靖我

皇上天威震疊命將行師首夥數十萬人悉加掃蕩

亦已剷除頑莠寧謐地方矣然而山藪之間

豈無藏匿之輩散亡之後或有勾結之徒設

不揚戰勝之兵威鼓凱旋之士氣芟夷淨盡

絕其本根則遺燼復然容有未可知者仰惟

睿謨深遠

聖慮周詳當提書奏報之辰既已大沛

恩言與六合同其喜慶而

諄諄降諭策勵戎行旋責以搜捕餘匪並且不加迫

促寬其限期俾得盡心經理於是三省文武

稟

命恪恭無敢草率從事一勞永逸逾年而零匪肅清

所由崇宇义安永銷兵革也

二十日丁巳惠齡奏言查靳苟等逆向黃柏園東

奔並有前在土蜂溝藏匿一股零匪二十餘人

亦向黃柏園踵竄因兵勇跟追復竄往秦嶺北

面峪口一帶臣當卽派撥遊擊馬國用帶領官

兵馳往搜捕並飛飭通判雒昂團集鄉勇悉力

殲擒勿令潛匿竄擾旋據稟報馬國用追賊至

景峪一帶適維昂帶領軍功胡文並寨勇等在

打柴廠埋伏正值賊匪竄近各勇突出截殺殲

斃賊匪十一人生擒五名餘匪遁入林內訊據

獲賊供稱首逆張二卽在此股之內馬國用維

昂分投入林搜捕至熊岔地方該匪正在潛伏

一見兵勇卽繞林向東逃遁外委陳宗順兵丁

馬登科緊躡跟追猝被矛傷陣亡維昂帶領各

軍功鄉勇奮力追擒適有降賊楊虎指認一人

卽係張二軍功胡文直前趕上將該逆擒獲該

逆欲圖掙脫適軍功戴廷璋彭萬順趕到將該

逆抱住兵勇一齊撲捉又生擒僞總兵孟廷楨

等六名將此股零匪擒斬淨盡將獲犯解送來

營臣訊明張二卽張士雲屬實查該匪首先同

張漢潮等起事滋擾數省迨張漢潮等殲除之

後自充元帥又勾苟逆奔入南山倚恃老林斬
圖延喘今該逆旣除各匪等更形渙散當將該
逆鸞割懸首示衆其餘各犯亦均概予駢誅伏

查前奉

諭旨張二張三宋李等逆有能臨陣殲擒一名者官
員加一等陞擢兵勇卽拔補千總賞銀一千兩茲

臣
遵照

欽定賞格卽動用銀一千兩分賞出力兵勇其首先
擒獲張逆之軍功胡文侯有千總缺出卽行拔
補以示鼓勵又據委員候補縣丞汪廷儀稟稱
帶領寨勇鍾魁等截擊竄匪鎗斃執旗賊目一
人據難民供稱是賊首苟元帥等語查苟朝九
一逆與靳士黃合夥同竄此次鎗斃之苟元帥
是否卽係苟朝九容俟驗明確鑿另行具

奏又接據提督楊遇春來信追剿靳苟股匪殲斃
戰手三十餘人生擒十一名餘匪奔至七星壩

江岸躡淺淌渡馬隊官兵涉水擊射殲斃及漂

沒者約三四十人生擒五名尙剩餘匪一百一

二十人逃過南岸訊據獲賊田洪明等供稱本

日係首逆靳士黃同張元帥二人督後他兩個

俱被箭傷跌倒順水衝去等語查此次督後賊

匪僅有斬張二逆則前此苟逆中鎗身斃之說
似亦有因惟斬張二逆雖據獲賊供稱受傷淹
斃究難憑信楊遇春業已派弁打撈賊屍俟查
驗確實再行奏

聞奏入

上命軍機大臣傳諭惠齡曰此次張二股匪由南路
竄往秦嶺北面峪口一帶經惠齡分派馬國用雒

昂帶領兵勇協力搜捕殲擒十數名餘賊遁入林
內復經官兵追躡將張二生擒並將此股零匪剿
盡所辦尙好前因大功底定會奏捷音已降旨將
惠齡賞還頭品頂戴花翎以示酬庸現在南山餘
匪無幾惠齡果能督率官兵趕緊掃除淨盡卽用
五百里奏報俟奏到日尙當降旨加恩惠齡當勉
之又勉以期承受恩施馬國用雜昂二員分投入

林搜捕張二繞林東遁雒昂奮力追擒始將該匪擒獲甚爲出力雒昂著加恩以同知直隸州知州卽用馬國用亦著交部議敘其直前趕上擒拏張二之軍功胡文業據惠齡拔捕千總仍著加恩賞戴藍翎其趕到一齊撲捉之軍功戴廷璋彭萬順亦著惠齡量加獎賞至鎗斃苟姓賊匪若係苟朝九卽當將鎗斃該逆之寨勇鍾魁賞給八品頂戴

若已有頂戴卽著賞戴藍翎倘鎗斃者並非苟朝
九亦當將該勇酌量獎賞至陣亡之外委陳宗順
兵丁馬登科均著咨部賜卹

二十四日辛酉額勒登保德楞泰奏言竊臣等探

報穆克登布田朝貴追剿之賊五六百人由大

竹河向西北狂奔闖入陝界扎克塔爾穆克登

布帶兵分路趕剿而進臣等籌商臣勒保仍在

太平一帶督率搜捕臣額勒登保德楞泰率領

存營兵勇一千餘名由水田坪赴陝邊督剿途

次據報該匪知北面有兵遂由松樹壩青岡坪

向西狂奔遁入巴山老林扎克塔爾帶兵由茅

埡塘向箭桿山前進穆克登布田朝貴等於初

八日傍晚帶兵至董家帽山梁探有賊匪百餘

人當經剿殺賊十一名生擒八名餘匪由龍王

溝老林南竄又據楊遇春呈報赴山內督剿殘
匪有賊一股奔七星壩躡淺南竄經噶拉馬隊

官兵趕到殲斃十餘人淹斃賊匪約二三十人

生擒八名餘匪撲過南岸狂奔楊遇春復向南

督兵前進初七日在西鄉之倒坐廟趕及賊尾

又殲斃十八名生擒九名餘匪爬上十二嶺老

林遁竄現將過江南竄之賊數十人令田朝貴

辦理其西竄賊股楊遇春與穆克登布卽分敗

趕剿等情臣等查南竄之賊只餘八九十人該

匪日夜在老林狂竄由星子山遁向紫溪河現

札派田朝貴緊躡趕剿已入川界至楊遇春穆

克登布等趕剿西竄之賊該匪現由邱家山細

幸壩一帶林內狂奔必須趕緊截剿臣額勒登

保遂由拴馬嶺至鍾家溝督催臣德楞泰由九

陣壩長嶺顧東抄赴簡池壩扼剿十二三日該
匪自花石梁向南奔通江之窩壩松坪楊遇春
由花石梁向哨風樓西河口一帶攔剿穆克登
布扎克塔爾帶兵由白雄關石鼓小溪取道入
川躡蹤截剿數日內可期痛殲得手又據色爾
滾馬瑜稟報連日探剿王國賢餘匪在栗子坪
大梁殲斃賊匪二十餘名生擒二十餘名該匪

分股奔竄一股奔青龍觀馬瑜催令官兵追殺
適色爾滾帶兵趕至在蘇金坡大梁兩相夾擊
又斃賊三十餘名生擒五十餘名一股由大巖
屋分竄經張應貴追殺亦斃賊十餘名生擒十
二名現在馬瑜等仍緊躡追趕並顧東面以期
掃除又據叅將桂涌稟報連日帶兵搜捕探聞
江北鴛鴦橋一帶有零匪滋擾卽趕往搜剿立

斃三十餘名生擒六十四名尙有餘匪二十餘人捨命逃去已派外委王良才等帶勇跟捕又

據達斯呼爾岱羅聲臯稟報連日向東搜捕探

有零匪數十人向四季坪奔竄當卽督兵趕剿

斃賊七名生獲十二名餘匪向姚家山竄去仍

緊躡搜捕又據遊擊羅思舉稟報在新場地方

探有零匪百餘名在相距十餘里之馬槽地方

出沒當卽督兵趕剿立斃賊二十一名生擒二

十二名其餘賊匪遁入箐林四散

臣

等查川東

一帶色爾滾馬瑜剿辦之賊所剩不過二百餘

人現在趕緊剿洗其梁萬界內或數十名或百

餘名之賊三四起均有官兵搜捕且巫大邊界

有豐紳張績官兵堵截斷不虞其東竄其穆克

登布等追剿會合攢聚之賊不過五六百人現

有數路大兵趕剿又有臣額勒登保德楞泰分

投督催旬日內定可痛剿淨盡此股一經辦竣

則其餘更可以次肅清臣勒保現在東太一帶

督飭各路官兵迅速搜捕並通飭各寨團勇大

小委員鼓勵寨勇隨地搜拏以期淨盡

同日額勒登保德楞泰勒保奏言竊查剿辦大

功現已底定所有山林內伏匿零匪自須嚴密

搜捕淨盡_上等酌量情形若無成百之賊只餘

三五零星擬留各本省官兵已足敷用除鄉勇
先行裁撤外應請將川楚陝三省現在隨征之

東三省馬隊官兵及雲貴兩廣山東直隸各省

官兵查明歸集於二月間卽由川楚陝分別按

起凱撤其川楚陝邊界搜捕彈壓應請將各本

省現在出征官兵暫留分段防範於深山箐林

密爲搜捕如川省防兵搜捕之匪竄至陝省卽
一面跟捕一面知會陝界防兵出捕兩相夾擊

搜緝淨盡如只竄逸數名卽令陝兵搜捕弋獲

川兵仍行撤回毋庸越境深追其川楚陝邊界

亦如此辦理陝省邊界綿長酌留陝甘兵一萬

四千名川省酌留本省兵一萬名楚省酌留本

省兵八千名恐本省官兵不敷分撥應請於裁

撤鄉勇時就其中各本省民人情願入伍及平時出力現未補給名糧者每省或留數百名或千餘名至多不過二千名作爲餘丁卽照守兵分例支給分撥各營留防俾免失所俟三省官兵撤回時隨隊回營以次補給名糧入伍差操爾時或有不願食糧者人數無多可以隨時照例安插此項兵勇現經本省提鎮將備歸併帶

領搜查三兩月寧謐後卽可以次緩撤各歸本
營至安防官兵與逐日追賊進剿之官兵奔馳

山林者不同其糧餉自應酌量裁減以節糜費

應自安防之日起官員祇支鹽菜馬乾裁去駝

折兵丁照本省防剿之例按月支給鹽菜銀九

錢裁去加賞鹽菜銀四錢其口糧夫價仍舊支

領至地方肅清川楚陝各省官兵全行撤回之後

必須三省提鎮按年會哨方可永靖邊圉疊蒙

睿謨指示飭令議定章程臣等謹公同籌議川楚陝

每年總兵會哨二次提督會哨一次其總兵會

哨定於每年春季二月秋季八月起程除寧陝

係新設營制卽在終南山自行帶領本鎮官兵

周歷巡查二次毋庸會哨外川北鎮由廣南通

江搜緝取道太平漢中協由寧羗南鄭搜緝取

道西鄉在邊界會哨重慶鎮由大寧奉節搜緝
取道巫山宜昌鎮由興山歸州搜緝取道巴東
在邊界會哨陝安鎮由紫陽安康搜緝取道平
利鎮坪鄖陽鎮由房山搜緝取道竹谿豐溪在
邊界會哨每鎮酌帶本鎮屬官兵一千名以壯
聲勢春季由西向東秋季由東向西彼此會哨
後各循邊界回營既可彈壓地方又可查閱營

伍其情形報明總督提督查核該鎮毋庸具奏
提督會哨定於每年十月起程初次會哨四川
提督取道太平陝西提督取道西鄉在邊界會
哨後陝西提督卽循陝界而西由南鄭寧羗至
寧陝鎮各營查驗仍回本營四川提督循川界
而東自太平城口徐家壩大寧至巫山湖北提
督則自房縣取道興山歸州至巴東在交界與

四川提督會晤後仍於境內大山僻壤處所查
訪寧謐各回本營卽會同總督會奏提督會哨
寧謐情形至次年會哨川陝提督仍在太西邊
界會哨後四川提督卽循川界而西由通江南
江廣元仍回本營陝西提督循陝界而東由紫
陽安康至平利鎮坪湖北提督則由房縣取道
竹山至竹谿豐溪在交界與陝西提督會晤後

卽彙報情形至三次會哨又照初次行走其提

督所帶官兵本標離各邊稍遠且標營亦不可

空虛只帶兵五百名庶免遠涉如不敷分派搜

緝於就近各鎮協標營內調撥一千名共足一

千五百名之數以壯聲威其派出兵丁照本省

防禦之例每名每日酌給鹽菜銀三分回營日

止俾免拮据如此辦理則邊界地方既有各鎮

官兵分段兩次會哨又有提督每年遍閱一周
情形無不悉知匪徒自難匿跡三年之後益臻
寧謐卽可責成各本營遵照舊例巡閱嚴飭各
營汛隨地稽查各府州縣地方官隨時嚴緝無
知徒棍自足以資彈壓其會哨之處卽行停止
均奏入

上命軍機大臣傳諭額勒登保德楞泰勒保曰此次

穆克登布田朝貴追剿之賊向西北狂奔闌入陝
界有五六百人必須趕緊辦理現在額勒登保德
楞泰督率數路官兵分投剿辦務須緊顧西北卽
在邊境扼剿淨盡斷不可任其竄過漢江闌入南
山此時大功業已告成卽有未盡零匪亦不難以
次撲滅惟賊匪一入山內道路紛歧剿辦又必費
手至南山零匪昨據惠齡奏到已將張士雲生擒

餘匪更易殄滅額勒登保等當飛咨惠齡等督飭
鎮將入山剿辦務於數日辦竣卽或有零匪逸出
亦須緊顧北面轟出老林向南逼剿庶辦理易於
蒞事其川東零匪雖屬無多勒保亦當督飭鎮將
上緊搜捕淨盡勿稍延緩又據奏會籌官兵應撤
應留事宜及會哨章程一摺所議皆妥但此時搜
捕零匪必須乘兵力未撤之時辦理淨盡方爲完

善額勒登保稱於明年二月間將東三省馬隊及

雲貴等省官兵分起凱撤此時亦不必拘定如果

搜捕迅速於正月內一律肅事則正月即可撤兵

設或二月內尙未能一律完竣卽緩至閏二月中

亦無不可總期搜捕淨盡方可將勁兵裁撤至所

稱官兵撤回之後必須三省提鎮會哨一節所見

甚是惟川陝楚三省邊界無往非深山老林路逕

紛歧賊匪等東西藏匿不定若知官兵行走有一
定地方則隨時可以逃避嗣後各提鎮等帶兵會
哨其行走路徑不可認定一路使匪徒不及防備

自可日就廓清再無遺孽至所稱三年後停止會
哨亦可不必拘定年分俟三年後或隔年一行或
隔二年一行均無不可惟當飭令該提鎮實力奉
行認真巡緝不可有名無實

欽定剿平三省邪匪方略續編卷二

癸亥年

八年正月初三日

已

惠齡奏言竊

臣

帶兵向東

進發期與李應貴楊芳等將山內賊匪殲除趕

至火地坪詎賊聞信又由秦嶺老林向西折竄

臣

率領兵勇冒雪踏冰連日跟蹤追殺該匪並

不與官兵接仗直向西北狂奔

臣

隨搜隨進至

代馬嶺地方殲斃賊匪二十餘人該匪等又向

西路峪口一帶奔逃適楊芳帶兵兜剿前來殲

斃賊匪二十餘人惟把總王明智擊賊陣亡該

匪旋翻太白山潛逃

臣

飛飭李應貴率同守備

張必祿等兜截殲斃賊匪十二人生擒三名該

匪連夜折入黑溝一帶老林仍圖西竄

臣

復飛

劄華陽營叅將張汝勤等帶兵截殺殲斃賊匪

十餘人生擒四人把總譚福王正孝猝被矛傷

陣亡並陣亡兵丁數名該匪見處處有兵兜截

不敢復行哨聚或三五人或十餘人鑽入秦嶺

老林內有一股五六十人分逃火燒營林內隨

令通判雒昂就近搜捕該通判入林圍剿立斃

賊匪十七名生擒賊目苟文英大旗手李林等

九名餘賊二三十人黑夜兔脫又據各處文武

委員等具報斬獲一二名三四名不等伏查刻

學三卷考異之身續卷二
二
下山內零匪統計不過二百餘人臣惟有督同

李應貴楊芳等鼓勵兵勇趕緊肅清斷不敢因

循觀望至提督楊遇春追躡過江之靳苟餘匪

連次殲獲四十餘人惟餘七八十人遁往楊家

河一帶楊遇春趕緊辦竣此股自必仍入南山

協剿更可併力搜洗迅速歲事奏入

上命軍機大臣傳諭惠齡曰陝省山內零匪上年冬

聞卽據惠齡奏到祇有三百餘人嗣經該督屢次
奏報皆有斬獲統計已屬不少何以此次尙稱山
內零匪統計有二百餘人合之漢江南岸之賊仍
不下三百人可見前此奏報之數俱係粉飾未必
確實所云將賊匪轟逼出山之語亦成故套卽如
靳苟等逆業經奔竄出山又何曾見惠齡趕剿淨
盡又摺內稱連日率領兵勇冒雪踏冰跟蹤追殺

並分飭鎮將等迎頭截擊四路兜圍各情形亦似
不遺餘力何以山內零匪總未淨盡殊不可解現
在山內零匪已無著名首逆在內辦理之法自當
於痛剿之中量爲招撫如果有棄械投誠之輩卽
當寬以一線而惠齡節次所奏摺內並未見有投
出之賊豈賊匪當此零星散竄之時尙敢抵死抗
拒乎此時額勒登保將次到陝惠齡果能於經畧

未到之時將山內餘匪一律辦淨尙爲有功若再
有稽延每奏報一次不過殲賊數十人轉盼卽屆
仲春又將以雨水泥濘爲詞必須經畧入山搜捕
完結則不但無功而且有罪矣凜之慎之至過江
斬苟餘匪現經楊遇春帶兵剿辦亦當飭令趕緊
辦淨不可稽緩楊遇春於辦竣此股後仍著入山
幫同剿辦爲要所有陣亡把總王明智譚福王正

孝及其餘兵勇等俱著照例賜卹

初六日壬申額勒登保奏言竊臣接據探報楊遇

春扎克塔爾穆克登布等所追之賊連日竄向

佛頭山元平子一帶老林游奕楊遇春由西河

口天平河顧西抄截扎克塔爾穆克登布由石

鼓小徑跟蹤進剿於十四日三更後行抵佛頭

山半坡該匪乘月色啟竄穆克登布等催集兵

勇急前趕剿賊匪二三百人從老林突出我兵

先已準備分投迎擊鎗箭並施立斃二十餘名

該匪勢不能敵卽由方面老林分投竄去扎克

塔爾穆克登布督兵追殺沿途又斃賊十餘名

生擒三十七名該匪由高莊河欲向西南通江

空山壩奔竄因探聞前路有楊遇春官兵復向

東折回奔廟坪一帶道德楞泰由黎壩簡池壩

白楊廟一帶探剿前進於十七日戌刻探悉匪蹤卽於三更發兵進擊黎明進至廟坪該匪已

翻天池寺老林飛遁正值大雪迷漫兵勇奮勇追殺斃賊二十餘名生擒數名因山大雪深未

能痛剿該匪翻山向東北遁去二十日楊遇春帶兵探剿行抵新帶子正遇扎克塔爾穆克登布之兵在龍池場會合探報賊匪二三百人在

澗漕溝屯紮扎克塔爾穆克登布帶兵直搗賊

屯楊遇春督兵抄出賊後兩面夾擊該匪立形

慌亂經驍騎校綽克龜武凌阿都司范雲龍李

廷珍守備劉勝祥馬忠良等帶領兵勇刀砍矛

戳立斃賊匪二十餘名餘匪俱爬越老林四散

兵勇乘勝分投搜捕共生獲賊匪六十四名遂

於平河子暫紮查訊獲犯內有探馬頭劉奇白

號先鋒李在潮當卽概行正法查探餘匪已向

黃草坡一帶奔竄現仍跟剿等情臣查該匪祇

有三百餘人經此番剿殺所剩不過二百人扎

克塔爾穆克登布帶兵二千餘名已由馬家壩

顧佳東北趕剿德楞泰督率蒲尙佐等現由鞍

子溝南顧川界進發臣現在舊司河督率各營

卡在北緊顧陝疆兵威壯盛縱使該匪狡猾異

常不過依恃老林暫延殘喘實無難聚而殲洗

其分股西竄之二百餘人據供欲竄通南不可

無兵剿辦臣已飭楊遇春仍帶原兵由羅家壩

花石梁西河口顧西探剿旬日之內如將此兩

股辦完則其餘更易搜捕臣接川省文武稟報

達斯呼爾岱羅聲臯在開太之炸金壩剿滅汪

月斗等零匪七八十名又叅將桂涵在大竹之

三墩坡殲擒苟文富等零匪六十餘名色爾滾
馬瑜在川東大寧界內又獲有勝仗斬獲多名
田朝貴在紫溪河跟剿竄川零匪八九十人現
由太平王家坪向牯牛壩奔竄田朝貴緊躡趕
剿勒保業已督兵由東鄉達州一帶前進分飭
搜捕是川中零匪日見掃除更易肅清並接吳
熊光來信知楚陝邊界現已無賊格布舍稟報

亦屬相同臣已札調該副都統帶領原兵由雞

心嶺沿川陝邊界老林自東向西逐處搜捕而

來以期零匪淨盡至寧陝山內零匪查探節次

搜剿所剩實已無幾臣現在在飛札楊芳李應貴

鼓勵兵勇剋日辦竣或將該匪轟逼南岸地勢

稍平易於殲洗毋得延緩總期即日肅清奏入

上命軍機大臣傳諭額勒登保曰此次德楞泰扎克

塔爾楊遇春等在觀音廟天池寺鐵廠溝等處追
剿零匪先後擒斬一百六七十名餘匪分兩路奔
竄俱不過二百餘人合之田朝貴所追竄川零匪
八九十人此時川陝邊界殘匪統計不過五百人
有各路大兵緊躡追剿無難剋期殄滅額勒登保
等務當倍加奮勉於正月內將所有殘匪悉數掃
除勿謂伊等已邀懋賞恩無可加稍有鬆勁

初七日

癸酉

勒保奏言竊

臣

查穆克登布等所追

黃藍等號攢聚之賊經官兵四路追擊該匪卽

由大竹河遁逃入陝此股人數稍多額勒登保

德楞泰亦親自移師過陝督辦

臣

則專辦川境

各起零匪伏查川東雲萬一帶前經德楞泰

派兵由老林內轟出零匪兩起共計四百餘人

忽分忽合人數稍多當派副都統色爾滾總兵

馬瑜分帶官兵前往剿辦又楊遇春在南山轟
出餘匪一起約有一百餘人竄過漢南奔入城

口老林臣當派總兵田朝貴入山搜捕此外各

路剿散餘匪均極零星多者七八十人少者二

三十人臣分派副將蕭鳳來叅將桂涵羅思舉

遊擊陳弼等分兵四路窮搜又恐穆克登布扎

克塔爾等所辦之賊或因剿急仍折竄川北界

內復派副都統銜達斯呼爾岱副將羅聲臯等
帶領官兵一千餘名前往探蹤堵擊並順便搜
捕通南一帶山內零匪茲據色爾滾馬瑜等報
稱在萬縣之鳳凰山趕及賊匪殺斃四十餘名
生擒青號賊目張登文並男婦五十九名口均
解交梁山縣審辦又據達斯呼爾岱羅聲臯等
報稱在銀廠坪地方探有零匪數十人潛匿當

卽乘夜掩襲圍殺六名其餘四十三名盡數擒

獲

臣

提營訊明分別辦理又據蕭鳳來稟稱探

得萬陞寺地方有零匪一起五十餘人連夜發

兵抄擊斃賊八名生擒三十四名

臣

已提營審

明辦理又據桂涵稟稱該叅將與都司周士貴

連日在川東腹地搜捕零匪於墊江之冷家壩

搜獲零匪一起殺斃十八名生擒六十一名並

將白號賊目苟文富擒獲又於梁山之石板坡
搜獲零匪一起殺斃八名生擒四十五名又於
大竹之大安槽搜獲零匪一起殺斃七名生擒
二十二名以上三起均全股辦淨所擒活賊俱

經臣提營審明分別辦理又據遊擊陳弼稟報

在開縣之鋸子嶺搜獲零匪一起殺斃十一名
生擒二十六名查係王峒賢股內剿散餘匪所

擒活賊現在飭提審辦臣查現在餘匪情形惟

穆克登布扎克塔爾等所追過陝一起賊數較

衆然有兩路重兵又有經畧叅贊督辦並聞楊

遇春亦帶兵前往如此併力合擊自能剋日殲

除卽或剿急入川臣已派達斯呼爾岱羅聲臯

等帶兵追擊又有達勒精阿武隆阿一路官兵

臬司劉清一路鄉勇叅將唐際盛遊擊夏雲龍

等所帶各兵均在川北分投追剿無難剋期掃
除惟東路色爾滾馬瑜等所剿之賊尙有三百
餘人分起竄逃而田朝貴深入老林未有信息
至大竹隣水廣安合州江北等處腹地時有零
星餘孽忽隱忽現通共約計不過一二百人
現擬從大竹隣水取道督率將備次第排搜先
將腹地肅清然後分兵再將老山內窮搜務令

臣

集三卷之真身身身身身身
不留一匪卽日天氣春融兵力易於展施計不
過一兩月可期一律全清奏入

上命軍機大臣傳諭勒保曰川境各股零匪除黃藍
等號一起業經竄陝有額勒登保等在彼督辦外
其川東雲萬一帶有零賊兩起共計四百餘人又
各路剿散餘匪多者七八十人少者二三十人合
計亦不過五百餘人此次各路官兵殲擒賊數幾

及四百人是此時川境零匪祇應剩百餘人何以
摺尾尚稱東路所剿之賊有三百餘人大竹隣水
等處約計零匪一二百人前後數目自相矛盾可
見所報擒斬賊數總不確實在零星敗竄之賊
並無緊要賊目在內自不妨於痛剿之中量予收
撫勒保須臨機酌度察其真偽如果匪徒始終抗
拒仍當嚴行剿辦倘真心畏罪棄械投誠即可寬

其一綫如摺內所稱擒獲婦女想俱係被賊裹脅
勉強跟隨非如從前齊王氏等有心謀逆者可比
勒保或設法招出婦女幼孩姑貸一死亦可多活
一命庶殘賊之勢日孤或有投首者亦未可定但
不得因有此旨專主於撫致剿辦少有草率總應
督飭鎮將上緊妥辦早淨餘氛方可長承恩眷也

初九日

乙亥

德楞泰奏言竊

臣

前與經畧額勒登

保在西鄉之大翔壩會合其時因黃藍線字號

賊匪奔向西北陝界臣等等商勒保仍在太平

督率搜捕額勒登保由拴馬嶺西進時副都統

富僧德總兵蒲尙佐帶兵回營臣即督率官兵

由九陣壩長嶺簡池壩東抄扼剿十七日臣趕

抵簡池壩戌刻據報該匪由小溪空山壩竄來

屯於廟坪小水池相距我兵四五十里臣即於

三更督兵進發黎明趕至廟坪詎賊漏夜先逃

經馬步兵勇追趕直至天池寺鎗箭斃賊四名

帶傷賊匪十餘名時已天晚未能痛剿嗣據色

爾滾馬瑜稟報自奉節縣之栗子坪蘇金坡痛

剿王幗賢餘匪向桃子坪前竄官兵抄截跟追

沿途拏獲落後賊匪及難民楊世龍等十七名

十六日陳弼等在開縣之雙成庵殺斃賊匪十

六名生擒二十七名餘匪向牛角灣逃竄有走
新寧東鄉之勢現仍分投趕剿又據提督豐紳
報稱派遊擊晉之連等在虎頭巖地方搜捕零
匪殺賊數十名生擒四名又總兵張績報稱遊
擊馬明德等在巫山之包子山搜捕殺賊三名
活捉一名又據達勒精阿並署南江縣知縣裘
良駿稟稱在南江陳家坪地方搜殺零匪數十

卷之三 卷之三 卷之三
五
名所剩餘匪七八十名現與總兵許文謨兩路

跟剿經團練堵擊帶傷賊匪甚多又有臬司劉

清帶勇前往搜剿又據太平廳副將李廷臣同

知鍾蟠雲稟報叅將桂涵都司周士貴等追剿

賊匪七八十人在大竹縣之三墩坡斃賊十八

名生擒五十四名並擒賊目苟閻王僑先鋒掌

櫃探馬頭四名移交大竹縣審訊又副都統銜

達斯呼爾岱副將羅聲臯報稱於太平廳之蠻
子巖追剿零匪一股數十人斃賊六名生擒四
十三名此股已悉數殲除又據東鄉縣知縣楊
世鼐稟稱有零匪數十人竄至毛壩該員督率
團勇堵剿生擒賊匪二名斃賊四名鎗傷賊匪
數名向高山臺奔逃又被委員楊世鯨調集團
勇追剿殺賊十餘名帶傷而逃者數名投出難

民唐娃等五名復於深林內鎗礮轟斃賊匪三名生擒僞總兵楊盛良等六名跌斃者十餘名訊係黃號零匪此起零匪均亦搜捕無遺又委員盛依祖李光謙胡雲各搜獲賊匪一名又據署雲陽縣知縣梁敦懷稟報初十日有硎泥壩民人許忠帶領首逆王幗賢並被擄難民鄧添祥到縣投首訊明實係正身並令張長青識認

的確稟請飭遵前來臣已批令解送勒保軍營

查辦嗣探黃藍線字號餘匪敗逃北竄又被楊
遇春穆克登布扎克塔爾等連次痛剿該匪已
不能北竄其分出二起二百來人訖係宋姓帶
領欲向南江廣元西逃此起賊匪頃據李廷臣
稟報日夜狂奔有由巴州太平走東鄉之勢其
由西鄉躡渡南來之賊竄走太平田朝貴已帶

兵跟剿時有斬獲所剩無幾刻下零匪多已出

山

臣

卽督兵出太平向東鄉前進飭令將弁兵

勇趕緊搜捕以期將各零匪洗除淨盡毫無遺

孽

同日吳熊光奏言竊查楚境數旬以來據各路

稟報俱稱未見賊蹤惟前探興巴一路尙有數

十餘匪未淨

臣

飭總兵吉林泰上緊搜捕去後

茲據稟稱該鎮探有零匪數十人往來川楚邊
界遁匿派叅將毛秉剛都司張代鳳等帶兵截
捕官兵冒雪前進於筲箕垵追及賊夥殲斃十
一名生擒七名訊據供稱該匪夥伴共祇四十
餘人係青號敗殘餘黨並無頭目在內現在逃
脫之匪無多毛秉剛等仍緊躡追捕查楚境邊
界綿亘誠如

聖諭尙恐深山幽僻之處不無逃匿之賊必當認真

搜捕盡絕根株且川境尙有殘匪未淨楚省尤

當加意巡防臣前與經畧額勒登保叅贊德楞

泰會晤時籌及戡定以後歸巴房竹一帶與川

陝犬牙相錯最易藏奸曾酌定派兵四路分段

巡搜是以臣現飭總兵慶溥帶領兵勇赴二竹

南界飭副將呢瑪善帶領兵勇赴房縣南界其

興山歸州巴東一路飭總兵李天林與吉林泰
各帶兵勇防剿似此酌分地段各專責成可期
排搜得力淨掃殘氛均奏入

上命軍機大臣傳諭德楞泰曰此次德楞泰搜捕零
匪所奏情形與前日額勒登保勒保奏報大畧相
同此時川省境內尙有零星散竄之賊德楞泰係
成都將軍搜捕是其專責必應上緊辦淨使境內

不留一賊方爲妥善所有各路征防兵丁德楞泰

應酌量情形俟實在可以無須兵力方議裁撤倘

爲一時惜費起見遽爾撤兵萬一遺灰復燃又須

剿捕將已撤之兵再行征調成何事體務期一勞

永逸兵民相安方爲妥善再王峒賢一犯親赴雲

陽縣署投首該犯雖非緊要首逆但與張長青均

係著名賊目今旣投出自應免其一死妥爲安置

庶匪徒相率來投於搜捕更爲有益

上又命軍機大臣傳諭吳熊光曰現在楚省已無成起之賊惟與巴一路尙有數十餘匪在彼潛匿經吉林泰等分投搜捕自不難盡絕根株川省邊界近據德楞泰勒保奏報零匪尙在奔竄現派鎮將等趕緊追剿楚境房竹與巴一帶與川省毗連恐該匪等被剿緊急仍思折竄入楚不可不嚴爲防

範卽使楚匪全數排搜淨盡亦不可將官兵遽行
輕撤總須俟竄川賊匪一律掃蕩肅清方可漸次
議撤所有各處邊防吳熊光仍當飭令慶溥吉林
秦李天林等加意巡緝不可因業已馳報蕪功將
善後搜捕事宜稍存鬆懈

同日軍機大臣慶桂等會同戶部等部奏議覆
額勒登保等前奏川楚陝善後事宜七條一凱

旋各省官兵應分別應付一三省被難窮黎應
量加撫卹一三省寨堡鎗礮應分別收繳一各
處防堵武員應酌予獎勵一辦理軍務文員應
核實鼓勵一義勇首領應酌給頂戴榮身一名
省被賊戕害士民應酌加彰闡開列清單進
呈奏入

上從之

上又命軍機大臣傳諭四川陝西湖廣各督撫曰軍

機大臣會同戶部等部議覆額勒登保等奏川楚

陝凱旋善後各事宜已依議行矣朕閱單內所開

撫卹被難窮黎一款此等窮民無所依歸當賊匪

滋擾之時被賊迫脅以致附從日多迨修寨築堡

以後百姓各能自衛凡鰥寡孤獨皆得棲息其中

收養生全方不致爲賊所驅賊勢漸孤未必不由

乎此今大功告竣地方整頓在有力之戶自己爭
先下寨各謀生業而此等鰥寡孤獨蕩析離居既
難自立有力之家勢不能皆行周卹卽有一二樂
善好施之人亦焉得人人而濟其老弱者必仍轉
於溝壑其年力富強者又恐不免迫於饑寒流而
爲匪自應妥爲撫卹俾得各遂其生但辦理章程
甚非易易朕思該處百姓現俱歸家復業所築堡

寨搬移一空其房屋墻垣自在莫若查明原築寨堡之家勸令將空出寨堡給與鰥寡孤獨窮而無歸之人令其聚集棲止仍派出里長社長經理務令得所又加管束勿令滋事如各州縣普濟堂棲流所官爲收養庶窮黎不致失所地方官以時查察並當嚴禁胥吏人等藉詞稽查致有訛詐滋擾之事此外餘剩空閒寨堡房屋均著諭令各自折

毀毋得仍舊安設致爲藏垢納汙之所總在地方
官酌量情形隨宜辦理方爲妥善至收繳寨堡鎗
礮一款此項鎗礮原以防禦賊匪今地方肅清白
應卽時收繳此內官給之件有冊檔號記可查收
繳較易其民人自製者若必一一勒令繳出恐胥
吏等奉行不善或有需索訛詐短給價值等事必
致轉滋事端況百姓等之安分與否亦不在器械

之有無該督撫等當出示曉諭以民間私藏軍器
本干例禁前准爾等製造原爲防禦賊匪今地方
已就寧謐爾等各當呈出繳官照例給予價值如
有胥役人等向爾等勒索規費或有短發價值等
事爾等當稟明查辦毋得再有私藏致干未便如
此爰爲辦理則百姓等自必踴躍而在官人役亦
不敢藉端舞弊致有滋擾至義勇首領酌給頂戴

一項此等出力遡勇首領著有勞績均經賞給翎
頂今大功告竣其情願入伍者自應照所議各按
品級分別拔補其不願入營者現據額勒登保等
奏請給予執照回籍安業該督撫等於其回籍時
當諭以爾等剿捕出力蒙皇上賞給頂戴翎枝現
在軍務告蕪原准令爾等入營拔補官職爾等自
稱不願歸伍業經奏明給予執照頂戴榮身毫無

屈抑爾等回籍後當知感激皇恩安分居家毋得
復思倖進向京城部院衙門具呈賣請庶鄉勇等
各守本業不致紛紛呈訴徒繁案牘以上三款皆
朕思慮所及該督撫等悉心籌酌辦理盡善仍將
如何酌辦情形據實奏聞

十二日

戊寅

惠齡奏言竊

臣

前將兜剿零匪節有

斬獲生擒賊目苟文英等並楊遇春追殺過江

之靳苟餘匪連獲勝仗各情形業經奏蒙

聖鑒嗣

臣

督飭兵勇入林窮搜該匪不能潛身又復

哨聚一處向東南奔逃

臣

趕至下水磨總兵楊

芳李應貴亦由雙岔河兜剿前來探知該匪正

在菜子坪屯聚喘息

臣

督同楊芳李應貴等分

三路直進詎該匪聞風卽行起竄官兵齊追

殺殲斃二十餘人乘亂投出難民張楷等十三

名隨將賊匪衝爲兩股其大股一二百人由獅子坪一帶竄往東南其餘或二三十人或十數人各走一路仍折向柳葉河一帶竄向西北

臣

卽令李應貴翻過崇嶺深入老林搜剿西北零匪楊芳趕緊抄赴月河兜剿東路之賊

臣

卽由

四畝地一帶緊扼東西要隘前進嗣楊芳趕至上壩地方於起更後望見林內火光隨卽前往

襲擊窺見賊匪屯聚民房一齊圍住賊匪驚起
抵敵兵勇奮力剿殺立斃賊匪十七人內有一
賊飛擲石瓦拚命搶出向屋後山坡奔逃兵勇
趕上捉獲訊係荷逆夥內大旗手龍貴帶領手
下矛手十七人在民房住宿不意全被擒殺等
語當將該逆正法次日探知前股賊匪已向四
海坪龔家灣竄去適楊芳所派把總葉光明等

抄襲前來正與賊遇兵勇齊力撲殺刀矛相接
斃賊匪十餘人陣亡兵丁二名鄉勇三名賊
匪復擲石抵敵兵勇鎗礮齊施又擊斃十餘賊
該匪始紛紛散竄次早於林內搜獲帶傷賊匪
王世賢一名據供係張三節張士熊股內矛手
昨晚聽見衆人說張三掌櫃被鎗打死等語當
於賊屍內令其指認因各屍被賊焚化多已焦

爛不全其張三一逆是否實係鎗斃尙難憑信
如果屬實則山內別無著名首逆餘賊更易剿
辦惟探知該匪等剿敗之後連夜翻山由張家
坪竄入玉笋溝向東潛遁查玉笋溝東趨卽係
鎮安境內誠恐該匪直向東竄乘虛奔突殊有
關繫當令楊芳趕緊趨行抄赴大小仁河一帶
緊扼東路兜截於三更後果見該匪從玉笋溝

向東潛逃楊芳鼓勵兵勇悉力掩殺立斃賊匪

三十餘人生擒僞先鋒胡登鰲並胡登潮之妻

熊氏及矛手二十一各餘賊折向黑山向東南

潛逃訊據胡登鰲供係苟逆夥內先鋒這熊氏

是我堂兄胡登朝妻子自與苟文明分夥後我

弟兄帶了矛手八十餘人另走一路前日自西

路逃來又會上嚴思讓張三掌櫃一百餘人同

走昨在龔家灣地方被官兵衝散不見張三掌櫃趕來我就與嚴思讓先行不料又被官兵截住等語當將該匪並矛手姚應才等十五名分別凌遲梟示其餘訊係附近居民甫經被裹卽行省釋現在楊芳由泰山廟一帶緊顧東北兜截臣亦緊顧西北向南逼剿再行剿殺一兩次卽可將此股零匪全數撲滅縱或未能得手亦

期將該匪逼過江岸南奔庶覺易於辦理再千
總吳順稟稱據寨民具報有另起零匪二十餘
人在西木溝石硎屯踞夜出擄糧該千總卽暗
往搜捕生擒僞總兵冉凡等八名概行正法餘
賊十九人殲殺淨盡又遊擊林向榮搜獲零匪
邵重倫等四名解交寧陝廳審辦又據鄆縣稟
報寨勇余學孔等在四道溝搜殺賊匪二名擒

獲矛手湯潮梁一名當卽飭令正法至李應貴
所辦零星匪現在秦嶺北面老林深處零星藏匿
李應貴率同叅將李應元都司張超守備張必
祿等尋蹤搜捕因相距較遠尙未接到剿辦情
形惟查山內零星匪經官兵節次擒斬合計已屬
不少而核之現在賊數仍未大減想係零星殘
匪又復湊合然無論賊數多寡總須盡行搜除

蕭清山境不使稍留餘孽以期仰慰

聖懷奏入

上命軍機大臣傳諭惠齡曰陝省山內零匪年前節

據惠齡奏報祇剩三百餘人該督帶兵搜捕屢次

均有斬獲卽本日所奏各路殲擒之賊亦有一百

數十人合之節次殺賊數目已不止三百餘人賊

蹤尙未淨盡卽惠齡摺內亦自稱賊數仍未大減

可見從前奏到之數多係粉飾不能確實現任上
霸地方一起賊匪被兵勇圍住僅飛擲瓦石拚命
抗拒該逆等窮蹙已極並無器械何難上緊剿淨
乃惠齡一味遷延觀望並不能將山內敗殘零匪
悉數殲除卽如張三一股餘匪經楊芳等分投剿
殺所剩無幾自應乘勝殲滅以淨根株乃摺內尙
稱或未能得手期將該匪逼過江岸南奔庶覺易

於辦理等語尤不成話惠齡之意自以逼過南岸
又可委之川省且有經畧額勒登保在陝西邊界
督辦伊卽可坐享其成巧爲推卸亦太無能無恥
矣惠齡從前在軍營卽不肯認真出力今尙如此
因循延玩著傳旨申飭

同日勒保奏言竊

臣

前由東鄉達州取道督率

各鎮將將大竹隣水忠州梁山墊江一路排搜

茲據叅將桂涵都司周士貴等稟報該叅將等
探得江北古路坪木耳場一帶有零匪一起潛
匿山坳桂涵卽率領兵勇前往圍住殺賊八名
生擒二十一名將賊犯解交代辦重慶府英貴
審辦其周士貴之兵分路由渠縣廣安合州一
帶搜查各境內俱無賊蹤惟探聞墊江所屬梅
子關地方有零匪八九十人在彼竄走周士貴

卽帶兵前進乘夜掩襲生擒男婦六十二名口

該匪跳崖跌斃五名尙有二十餘名鑽入箐林

無蹤所獲賊匪解送

臣

營訊明分別辦理又據

叅將羅思舉稟稱該叅將前在梁山一路搜捕

探報梁山所屬觀音崖地方有零匪三十餘人

卽帶兵往捕追至忠州倒溝嶺殺斃五名生擒

三十二名當將獲犯解送

臣

營訊辦羅思舉復

探聞梁山觀音崖有零匪二十餘人奔竄又帶
兵掩捕將賊二十三名全行擒獲查訊卽係周
士貴在墊江剿散之賊亦解送臣營訊辦又據

副都統銜達斯呼爾岱副將羅聲臯等稟報前
奉派帶兵搜剿川北零匪二十六日行至通江
探聞陳家山內藏匿五六十人當卽乘夜發兵
圍捕殺斃二十一名生擒男婦二十八名口查

係景英股內打散之賊臣現在飭提俟解到再

行審辦至川北邊界穆克登布扎克塔爾楊遇

春等所剿之賊近接德楞泰來信該匪在川陝

交界地方經官兵兜截斬獲多名餘匪分起遁

逃一起向南廣一帶竄走一起東竄太平老山

德楞泰現在回川督剿是此股攢聚之賊已被

兵剿散通南地界處處可通臣現已飛飭達勒

精阿武隆阿達斯呼爾岱羅聲臯等分投探蹤

迎擊臣查此時川省零匪漸搜漸少惟各州縣

地方處處深山密林奸宄易於藏匿人數無多

忽隱忽現臣現在先向隣塾忠梁一帶派兵以

次窮搜並派兵向雲開奉巫等處分投搜探務

期一孽不留以仰副

聖主安輯閭閻至意奏入

上命軍機大臣傳諭勒保曰現在川省零匪雖節經

各路鎮將率領官兵分投兜截斬獲多名餘匪已

屬無幾但深山老林或尙有剿散竄逃之賊在彼

潛匿不可稍留遺孽必須排搜淨盡此時川省業

已馳報戡功惟搜捕零匪一節卽爲辦理善後第

一要務所當力求完善勒保務須督率鎮將儘此

正月內將境內殘匪悉數廓清以期地方早就寧

謚

司馬文正公集

卷